

靜寧州志

卷四

官師志

卷五

選舉志

張聲威 敬贈

鴻彝吾兄存閱

靜寧州志卷之四

錢塘 王烜蘭坡 修定

官師志第四

自宋迄今自知軍事以至於營弁總若干人表其姓氏傳其事業旌別彰焉
勸戒寓焉後之覽者亦將有感於斯

宋 知軍事 判軍事 主簿 指揮 巡檢 寨主

知軍事

王文郁 字周卿麟
州新秦人

劉 豎 詳循卓

苗 授 詳名宦

周永清 詳名宦

官師

景思立

詳循卓

劉兼濟

開封祥符人

王碩

水洛城騎都尉

判軍事

游師雄

詳名宦

主簿

張○○

德順軍水洛城主簿

雷○○

有倉庫副使德順軍水洛城主簿以上見水洛城碑失名

宿徵

水洛城主簿金貞祐中與平涼致仕楊廷秀起兵號忠義滬為都統府殺防禦判官完顏八斤

指揮

和斌

詐循卓

巡檢

王友

詳名宦

寨主

劉滬

詳名宦

劉淳

滬弟監才
洛寨兵馬

桃貴

治平砦主又為得勝砦主
○中以為將師久御兵怨劫
貴閉城叛殺監押崔絢宣撫使王堯臣諭以禍福乃降

金節使

縣令 典史 砦主

節使

愛申

詳名宦

縣令

官師

蘭州俊華印書館排印

任天籠威戎令
詳名宦

楊天德隆德人
詳循卓

典史

韓倚

朱珙

孫澤以上三人並大定間
任見古碑未詳何縣

岩主

楊賢寧大定間武功將軍知治平岩兼熙秦路第十一副將驍
騎尉故碑稱其政治寬平人絕怨頌建臨川聚遠二亭

元

達魯花赤

王醜漢明洪武己酉徐達至境與
知院杜伯十花棄城北遁

明知州 州判 吏目 驛丞 大使
學正 訓導

知州

歐陽信 詳名宦

陳士信 字敦誠直隸濬縣人洪武十三年
以國子生任勤於視事稱為能吏

嚴正 字守直山西襄陵人由監生任廉慎豈弟民
咸戴德

史信 字期忠山東高唐人由監生永樂十四年任

高節 字勵臣山東泰安人由歲貢宣德年間任

錢昌 字唐明直隸定州人由歲貢宣德九年任

蓋 撥 詳名宦

官師

蘭州俊華印書館排印

郭

增

字士益直隸定州人由舉人天順三年任潔清自治鼎新學廟城隍廟卒於官

靳

善

詳循卓

祝

祥

詳名宦

韓

檠

字規世直隸滄洲人由舉人成化二十年任

李

諒

字二友山西沁水人登進士第宏治元年由南戶部郎中謫任

李

華

前志遺其科甲鄉籍今考建置志中景泰元年奉文築城開西南二關門

侯

明

字自顯河南洛陽人以進士第宏治三年任才明敏調知邠州尋陞兩淮運同

熊應周

詳循卓

陳

介

字守嚴四川中江人由舉人宏治七年任京勤治理得士民心

閻重 字固學山西絳州人由舉人宏治十三年任六年考績遐邇揄揚

劉滋 字沛澤直隸滑縣人由舉人宏治十八年任補廢修墜政得大體

郭鉞 字衛朝直隸魏縣人由舉人正德五年任重修州志

張志 字持一直隸固安人由舉人正德八年任治理嚴肅民畏其威

林昌 字休明山東登州人由歲貢嘉靖二年任

朱紳 字大章山東費縣人由舉人嘉靖三年任發奸摘伏百廢俱興

王鋒 字發礪直隸涿鹿衛人由舉人嘉靖八年任撫民如子尋陞延安府同知

劉班 詳循卓

李必敷 詳循卓

李時中 詳循卓

張邦柱 字汝安 西安邑人 由舉人 嘉靖二十三年任

于 玘 詳循卓

何楚鐘 字聞遠 湖廣咸甯人 由舉人 嘉靖三十一年任 興學造士有教育之功

劉德芳 字紹先 遼東廣寧衛人 由舉人 嘉靖三十四年任 有冰玉之操 政合人心

焦紹恩 字述祖 河南靈寶人 由廕監 嘉靖三十七年任 臨事果決 明敏剛斷

劉自修 字行健 河南扶溝人 由選貢 嘉靖三十九年任 調祁州

張宏光 字表績 雲南劍川人 由舉人 嘉靖四十一年任

楊 譽 字廣美 山西屯留人 由選貢 嘉靖四十三年任 痾關民隱 敷政公平 尋調寧海州

朱文 字華國直隸清苑人由舉人嘉靖四十四年任政績顯著士民歌德

楊澡 字浴德直隸涿州人由舉人隆慶元年任

張世威 詳循卓

邊琪 字象辰河南葉縣人由舉人萬歷二年任

王冠 字首選山西榆次人由舉人萬歷二年任修築城垣利濟斯民

葛承嗣 字延祚山西平定人由舉人萬歷四年任

尙魁 字星燦金吾左衛人由舉人萬歷六年任

牟衍社 四川巴縣人由舉人萬歷七年任

賈汝軒 字載道直隸成安人由舉人萬歷九年任押強暴救荒歉陞臨洮府同知

邢汝龍 字伯驥四川銅梁人由恩貢萬歷十三年任
慈惠簡易調知固原州

劉澤衍 字子正河南洛陽人由舉人萬歷十四年任
有清操不避豪強尋調去

趙東魯 字思賢山西垣曲人由選貢萬歷十六年任

李喬枝 字拱漢河南彰德人由選貢萬歷十七年任

王三讓 字圭卿四川雲陽人由舉人萬歷十九年任
臨事決斷陞慶陽府同知

潘汝愈 詳循卓

劉默 字玄修直隸大名大名人由舉人萬歷二十五年
任治行卓越重修州志陞本府同知

趙永志 字貞一山西忻州人由舉人萬歷三十一年
任軫恤民隱招撫流亡

苗永春 詳循卓

程賡起

字際良直隸通州人由舉人歷鞏昌府推官陞任發奸摘伏百姓乂安

裴文炳

字蔚國河南宛州人由選貢任政績懋著州人頌德

徐應麟

字圖閣山西威遠衛人由拔貢有清操以憂去囊篋中唯古書藥材而已

汪鯨

字仲舉湖廣棠德人由選貢卒於官

阮良選

字慶臣四川富順人由舉人性勤敏但聽任蠹役不喜士類人咸短之

王肇生

字啓旦山東掖縣人由舉人天啓辛酉任尋調秦州陞本府同知官至兵備副使

夏日祚

詳循卓

賀來獻

山西翼城人由舉人任慷慨廉明士民愛戴

顏日愉

詳名宦

王景和

字熙如直隸雞澤人由舉人縱情麴蘗卒於官

彭應選

字大受湖廣麻城人由拔貢任為州判沈暗揭解職

徐

諫 字廷臣雲南彌勒人由選貢任建書院講業其中政尙寬後改操人云利令使然

陳景

字鑑世江南宣城人欽賜進士崇正十六年闖賊至士民擁出降敗賊收其印以去

州判

向侃

詳名宦

馮忠

山西翼城縣人宏治間任入州籍

李通

宏治間任

常崧

字鍾秀河南蘭縣人士民懷慕

李福全 正德三年任

張璧 正德五年任

郝廷佐 字補袞山西太谷人

潘灝 字達遠四川忠州人

田應亨 字濟通直隸慶雲人

劉居年 四川人

熊世賢 四川武隆人

熊慶衍 字績夢直隸人

劉思 字綿澤四川人

高汝文 字志尙山西太原人

譚啓 字樞卓

馬國光 字上選山西人

傅賢 字延築山西人

王網 字育元直隸完縣人

閔世躍 字奮漢浙江烏程人由選貢公明廉慎陞山西沂州同知

宋井南 字麗天山東靈山衛人

喬承詔 字國棟山西人

曹勤 字著勳山西人

馬九鼎

詳循卓

張廷柏

字柏臺江南人由鄉貢任撫字有法民德之陞知雲南浪零縣事

王家麟

字瑞世河南遠平人由拔貢任慈惠恤民陞四川同仁縣令

朱化龍

字躍淵浙江上虞人性淡刻民苦之

陳治績

字樹德江南人由恩貢任嚴於取予有廉聲

王大霖

字澤世湖廣麻城人

邵士翼

無考

鄒承流

無考

張學曾

字惟一由恩選任吟咏自適有文集行世

沈國瓚 浙江山陰人性儉以陷州牧為當道斥去

張世稔 江南儀徵人由拔貢任有伯一稿行世

杜于蕃 四川富順人由拔貢任甫一載有政聲歷署華亭崇信

吏目

黃倫 字正彝江西上高人由監生任贊政勤

范質 成化間任

張思聰 詳循卓

李青 宏治間任

王徵 字民信直隸柏鄉縣人

趙士修 字名世山東費縣人

張聰 正德間任

張一道 字貫吾山西人

郝廷寶 字君釐山東臨清人

劉道 字經常四川萬縣人

麻錦 字獻廷直隸順天人

白玉光 字瑞時山西五臺人修城有功

張汝楷 無考

李尙志 字貞一河南信陽人

齊官 字天爵山西廣昌人

史實錄 字表世山西萬泉人

陳演 字紹聖直隸蕪湖人

趙雨化 字時若山東莘縣人

謝希儒 字齊詩山東陵縣人

趙希通 字載道山西大同人

郎萬山 無考

趙璽 字國寶山西人

董祥 詳循卓

趙允升 字宣猷河南靈寶人

驛丞 附大使

郭智 成化間任涇陽驛

高秉 成化間任涇陽驛

李鎮 正德間任涇陽驛

彭壽 洪武間任高家堡大使

郭鉞 成化間任州城大使

王臣 成化間任高家堡大使

學正

李純 字素修四川錦州舉人嗜學善文士稱得師

張曙 字旭旦遼東人由舉人積學醇雅設教有方
陞河南府教授

智宗傑 字翼時山西沁源人

郝應元 字一遵山東高唐人

趙龍 字從雲直隸興濟人

許高節 字樹表河南長葛人嚴介端方尋陞韓府教
授

陳玘 蘇州人有城隍廟記

陳華 成化間任見城隍廟碑

董綬 字君絨萬泉都司人誨士諄切人皆佩德

梁 詔 宏治間任有祭器記

陳堯仁 字雨化山西鹽運司人

孟祖伊 字述聖直隸吳橋人

姚 誨 字振世山東維縣人教有科條陶鎔皆化

趙之可 字師賢泗川人

常 震 字應谷河南蘭陽人器宇端方訓迪諄備陞彰德府教授

張大綸 字鳳詔山西郭縣人

李德陽 字方亨甘泉縣人識見清通性尚高蹈

王 民 字邦本山西安邑人

官師

蘭州俊華印書館排印

林 栴 字天香山西大同人

劉 惠 字澤遠遼東人

張公德 字溥惠山西靈石人學識優長士多景仰

滕 恣 正德間任

衛 鉦 字國器山西曲沃人溫恭安詳教士無躁迫氣尋陞彰德府教授

周尙赤 字正朱直隸人德性沉潛教士不事浮華陞廬州府教授

晏承恩 字君賜四川夔州府人啓迪多士孜孜爲善陞順慶府教授

陳其情 字白延山陽人

李 俊 字士望山西聞喜人

訓導

楊伯明 字元啓山西忻州人

侯濤 字修源山西榆次人

徐以龍 字在天山東人

安機 字迪哲直隸慶都人

杜瞻 字景前山西吉州人

李儀 字仲禮四川南部人

陳誥 字寶訓河南洛陽人

張蘭 字馥辰四川雙流人有文名教士多方陞荆
州府教授

趙希儒

字人傑山西偏頭關人

閻淳古

字思皇山西膠城人

楊光榮

字裕後山西保德人

嚴以密

字徵修四川綿州人學識富有善誘多士陞禮縣教諭

秦煌

字輝廟山西高平人

王鴻漸

字達遠臨洮人

張希元

字志大潼關人教士以大端士皆悅陞神木教諭

趙復性

山西人

侯邦

字屏翰漢中寧羌州人

高敬止 字繼文 富平人

郭必久 字圍畿 長武人

李思孝 字宗舜 蒲城人

楊集 字萃美 蒲城人

宋一韓 字鼎臣 涇陽人

甕大器 字有容 永壽人

程萬里 字鵬舉 河州人

李士鰲 字鯤化 階州人

雷煒 字光宙 蒲城人

裴廷紳 白水人

白不緇 字素若青澗人

本朝 知州 州判 吏目 驛丞
學正 訓導 駐防武弁附

知州

張 瑋 字大器順天大興人以國子生任寬嚴合矩
士民愛戴以事解去

任 標 字建遠山西太原人歲貢廷試第一順治四年任待
紳士有禮惜為蠹役所斯私科供應陋規實自此始

張國祥 字世瑞盛京人由監生任判決如流儼若老
吏待紳士尤得體

劉 瑞 詳循卓

陳遇主 直隸永平人平涼興屯同知順治十年駐劄
靜寧勸興屯田嗣以增糧報最州民始苦

李民聖 字產魯遼東遼陽人由鄉舉順治十六年任政頗厲民陞四川順慶府知府曾修州志

王札 字崎青順天平谷縣人由拔貢康熙三年任任邪少恩陞岷州撫民同知為王輔臣標將蔡元所殺卹贈按察副使廕一子入監

宋大才 浙江人康熙十四年任寬厚老成蒞任數月棄官去

劉琦 巡撫華善委任遭王輔臣亂城陷坐法死琦於康熙十四年九月蒞任於十五年二月革任士民冤之

欒祖周 字斌孫旗人以功加任優柔寬厚受欺胥役十載以罪誤去

田惟堯 詳循卓

董守義 詳循卓

丁克成 字晚公奉天廣寧人監生康熙四十三年任性慈祥工吟咏廉潔自矢承董牧裁革之後復裁陋規火耗七載賠累巨萬以虧空解任士民念之

黃廷銓 詳循卓

官師

蘭州俊華印書館排印

陳從易 字筮初浙江嘉興府嘉興縣人康熙五十九年任雍正元年調知四川蓬州

李正發 浙江湖州府長興縣人監生雍正元年任捐俸補修西城門樓

杜國昌 順天府大興縣人監生雍正三年任五年離任

龍 需 直隸翼州棗強縣人由舉人雍正五年任八年離任

金 琦 漢軍廂紅旗人雍正八年任九年離任

汪元祐 字傳學江南揚州江都縣監生雍正九年到任十年設河州建修州署大門補修二門

王 奎 詳循卓

張昌裕 江南揚州府江都縣人由舉人乾隆二年任

楊國瓚 詳循卓

王 烜 字義賓浙江杭州府錢塘縣籍湖州府歸安人乾隆八年以同知銜補授九年二月到任

州判

高自輝 字心齋浙江山陰人順治間任撫育難民病濼念切善詩歌有文集

余德馨 字玉蒼福建連江人儉以自奉寬以御民去之日囊篋蕭然

余天茂 字育元福建福清人由鄉貢任政簡民便公餘嘯詠有文名

丁贄育 字參三直隸雞澤人由拔貢任政績攸著擢知江油縣

余家琛 字仲雅浙江山陰人善合上意而催科無術尋去

駱起明 詳循卓

任紹祖 字宗孔河南汜水縣人由拔貢任

官師

陸錦 詳循卓

劉晉祥 真定府蠡縣人由拔貢任康熙二十五年以裁汰冗員調補西城兵馬司指揮以後員裁

吏目

孫名正 字顯祖富平人遇事果敢惜罷去

趙巨儒 字學聖浙江人篤於孝負士隨任每飲食必祭

陳瑞璘 字朝祥浙江紹興人由部曹從事任頗稱勤能陞慶陽府經歷家靖寧

李調輔 字鼎弼浙江會稽人以捕盜無功去

余綱 字萬侯浙江山陰人

章植 浙江紹舉府會稽人

鍾志寬 字粟而江西人才堪繁劇以告致去

羅萬方 浙江紹興府餘姚人忠厚勤能以妖人包道案罪誤奪職士民餽贖而去

王道玉 字璞公湖廣澧州人監生卒於官

袁衡 字晚九浙江會稽人監生卒於官

任文龍 字象九江南寶應人順天大興籍監生康熙五十三年任

錢宏 詳循卓

靳于朝 字伯卿河南歸府考城縣人雍正五年任六年離任

程淮 字禹工順天大興縣人監生雍正六年任旋出口外辦軍需七載回任即委修廳署

驛丞

官師

蘭州俊華印書館排印

任大鎮 順治間任 以後員裁

學正

李友郭 字仲也綏德人前明副榜性儼悟少與兄友
梅侍御齊名攝州篆擔富有為士民感戴與

于廷翰 字翊明白水人待士無禮尋罷去

張文燦 字邵山武功人歲貢和平安舒綽有容德陞
寧夏衛教授

龐應第 字時駕洛川人由富平縣訓導陞本州學正
補葺兩齋尋陞寧夏左衛教授未行卒於官

陳于廷 字于靜洛南人

王有馮 無考

甄自靈 鞏昌府文縣人舉人和平恬雅待士有禮

劉選

西安府富平人舉人好學守職不愧師儒

朱維哲

字葆光西安府臨潼縣舉人老成夙學多士矜式

王元掄

西安府臨潼縣人舉人循循雅飾修學有功

徐進

西安府蒲城縣舉人

高如霓

字偉如西安府高陵人舉人

朱照乘

詳循卓

張丕烈

字懋功西安府三原縣舉人雍正五年任

王旭

字光溥延安府清澗人舉人雍正六年任陞甯夏府教授

王錫年

字喬生西安府郃陽人由進士初任浙江歸安縣令改教乾隆三年任

官師

蘭州俊華印書館排印

訓導

王

檄

字廷棟山西沁水人言行舉動悉中規矩嗣陞工部司務

武尙儒

字周臣臨洮人改祭器爲家具人恥之

邱毓珞

字韞王三原人溫厚可親陞略陽諭

蕭始泰

字方亭環縣人待士和藹陞永壽諭

趙元績

字建勳邵陽人

魏復泰

字令初商南人順治十入年裁缺解任

汪泓鑒

鳳翔人歲貢康熙十九年復設蒞任立社課士有造後學

李廷珣

漳縣人歲貢忠厚無浮躁氣

同毓宏 富平縣人歲貢

袁京 字大觀延川縣人歲貢耄而好學

馬政 字亮工西甯人歲貢康熙五十五年任

軒轅德 字衣聞西安府武功縣貢生雍正元年任六年改銓

艾九皋 字聞天興安州紫陽縣貢生雍正七年任

暢我衷 字忱一鞏昌府洮州衛貢生雍正十三年任

張正卿 字臺弼漢中府甯羌州人歲貢乾隆十五年任

駐防

明王瑛 宣武衛守禦靜甯指揮

劉 釗 懷慶衛守禦靜甯指揮 並見城隍廟碑

姜永躍 詳循卓

本朝 初年守備千把總更迭一員駐防兵四十名後增
十名各鎮分汛

徐長年 固原鎮千總順治二年駐防

馬 乾 字天字本州人明崇正間以固原鎮標千總
守禦順治初復以總制標下守備駐防

吳 固原城守營千總

段 固原城守營把總

冀 固原城守營把總

閻 固原城守營千總

石 固原城守營千總以上五人失名

陳登舉 固原城守營千總

馬超先 固原城守營把總康熙中奮威將軍委協拿大盜十二名斬西郭外

馬雲 固原城守營把總陞千總康熙三十年因包道案革職

殷加來 臨洮人固原城守營千總

孫邦奇 咸陽人督標功加千總

鄧義虎 關山營千總

霍長修 靖遠衛人固原城守營千總後陞守備

許左 臨洮人關山營千總後陞守備

石生玉 固原城守營千總因盜案革職

趙應祥 固原城守營千總後陞守備

楊致君 字翊清靖遠衛人由變儀衛効用授固原衛城守營千總

楊茂發 千總後改名蕭文繡康熙五十七年任雍正五年離任

李義 千總雍正四年任

馬化 千總雍正五年任

安文耀 千總雍正七年任 趙良能 千總雍正九年任

王宗統 千總乾隆八年任

陸朝奇 字易直西安府長安人固原城守營千總乾隆十年任

宦蹟

黃志云、靜寧非古渭州也、靜寧爲古德順軍、自宋迄今、其地不易、故靜寧宦蹟、當自知德順軍諸人始、前志以知渭州者盡屬之、始於一統志、廣輿記失考、其後因之、雖浚谷府志亦然、是不可以無辯、按唐書元和四年、以原州之

平涼縣置行渭州、宋史渭州置涇原路、經略安撫使管涇原儀等州、德順鎮

戎二軍、

政和七年升涇原爲平涼軍、金仍宋升渭州爲平涼府、德順鎮戎涇原皆爲州

史籍地里彰彰、則古渭州當爲今

平涼、而德順在當時爲渭所屬、渭州之非卽德順也明矣、曹瑋傳言瑋知渭州築堡、山外爲隴干城、韓琦傳言於隴干山外四衝、建德順軍於古隴干城、浚谷府志建革亦引史言、宋涇原渭因唐而割原之半、置德順軍於西、在武

渭之交。此以見渭州在山以東，德順在山以西，爲兩地。而山以東無靜寧地，則前世知渭州諸人當係之平涼無疑。故曰：靜寧非古渭州也。自一統志載宋知渭州若張綸、王堯臣、王素、陳堯佐、段少連、王浚少尹、洙章棗、張伉、劉仲書、蔡挺、劉舜卿、呂大忠、毛漸折、可適、姚雄、盧秉、姚麟、王恩、种師道、劉昌祚、二十一人於靜寧。浚、谷府志又增北魏刺史于栗翼、長孫儉、豆盧勣三人。宋知州事劉平、雷孝先、高繼勳、蔡延、劉仲武、呂公弼、馮京、高化、任顥、孫覽、張莊、蘊、十一人。故志又摭拾范仲淹、鄭戩、曲端、趙隆、任諒、魚周詢、苗履、孫甫、王韶、王廣淵、陶節夫、吳擇仁、劉庠十三人。今第存其名，不復載其傳，而實係以知德順軍若干人，更無假借。至曹韓未專仕於其地，任福等亦未嘗官於斯，而概

登之者一以志肇域之功一以著抗忠之地云。

按靜寧名宦自宋迄明凡二十人代代相因至

本朝增葉學使入祀共二十一人毫無假借至其政績卓越澤在生民者名宦而外繁豈無人而黃志列循卓以道揚之正可謂不沒人善者矣余遠稽近考復得一十二人或廉潔自矢或勤能著績雖微員末職之中亦有表表出羣者展卷流連不忍湮沒故亦仍黃志並附循卓之中以表前賢而勵後來敢同妄譽亦善善從長之意夫。

名宦 附循卓

朱曹瑋字寶臣正定靈壽人武惠王彬仲子知渭州年十九馭軍嚴明賞罰立

名宦

蘭州俊華印書館排印

决知鎮戎軍復爲涇原路都鈐轄兼知渭州與秦翰破章理族於武延川分兵滅撥臧於平涼於是隴山諸族皆納土瑋築堡山外爲隴干城募土兵守曰異時涇渭有警此必爭之地也隴干肇域實自瑋始祀名宦。

韓琦字稚圭相州安陽人以經略安撫使屯涇州元昊反寇鎮戎軍琦遣將任福從得勝砦出賊後據險設伏以要歸路福違節制遂有好水之敗貶知秦州尋復之上言隴干山外四衝請建德順軍以備蕭關鳴沙之道土允遂建德順軍於古隴干城祀名宦。

任福字佑之其先河東人後徙開封咸平中補衛士由殿前諸班遷遙郡刺史歷侍衛馬軍都虞候康定二年春宋欲發涇原鄜延之師伐夏命福涇原

計事時與安撫副使韓琦會高平。夏李元昊謀寇渭州。琦急趨鎮戎軍集兵。兼募敢勇萬八千人。以福爲將。耿傳參軍事涇原路。駐泊都監桑懌爲先鋒。鈐轄朱觀都監武英涇州都監王珪各率師從福。琦令福等併兵自懷遠城趨得勝砦。至羊牧隆城出敵後。城砦相間纔四十里。道近糧餉便度。勢未可戰。則據險設伏。待夏情歸邀擊之。福獨以輕騎數千趨懷遠捺龍川。會鎮戎軍西路巡檢常鼎。劉肅擊夏師於張家堡南。斬首數百。夏人棄馬羊駝伴北。懌馳騎趣利福踵後。輕夏兵薄暮。遂與懌合兵好水川。觀英軍龍落川。相違五里。約翌日會川口。然營中已乏食。追奔至隴干城。夏軍出誘兵川口。而大兵數萬伏六盤下。距羊牧隆城五里。道置大銀泥合覆地中。有動躍聲。諸將

月給錄三萬粟麥四十斛贈其母隴西郡太夫人封妻爲琅琊郡夫人官子姪六人祀名宦

王珪開封人拳勇善騎射工鐵杵鐵鞭年十四隸親從官累遷押班禮賓副使涇州駐泊都監康定初夏人寇鎮戎軍珪疾戰破之獲夏曹二巨槍植山上邊人遂爲立祠以兵援任福望其麾幟力戰攻夏師斬軍校不進者以狗手殺數十百人鐵鞭撓手掌裂馬中數矢易之復殺夏數十人矢中目不能視至夜卒贈涇州觀察使追封其妻安康郡主錄其子光嗣左侍禁祀名宦武英字漢傑太原人父甯隨劉繼元歸朝仕至侍禁英爲三班借職遷禮賓副使尋兼涇原行營都監與任福諸將戰逐夏師張家堡趨利爭進英度必

名宦

蘭州俊華印書館排印

有伏衆不聽已而伏發福等死英猶力戰至申矢盡遇害贈邢州觀察使子永錫三班奉職祀名宦

桑懌開封雍邱人勇力過人工劍及簡有謀略與人接常祇畏言若訥諸巨盜相遇率易之輒爲所破累功供奉官廣西駐泊都監李元昊反參知政事宋庠稱其勇略遷內殿崇班鄜延路兵馬都監徙涇原屯鎮戎軍與任福逐夏師於好水川力戰而死贈解州防禦使于湜皇城使祀名宦

耿傅字公弼河南人祖昭化爲蜀州司戶參軍蜀徐據城昭化大罵支解而死傅喜俠尙氣以父廕爲三班奉職督陝西糧饋元昊來寇參任福軍事諸將失利好水川武英朱觀謂傅曰英觀當死戰君文吏柰何枉死傅不聽指

揮前戰被數創乃死初傅與觀營籠落川夜作書遺福戒其恃勝輕敵要以
持重書觀名遺福傅死韓琦得其書於隨軍孔目官張忠奏之詔贈傅右諫
議大夫祀名宦

趙津渭州都監任福好水之敗以華亭二千騎來援戰歿祀名宦

趙浚谷曰好水之敗史謂韓琦令之耿傅戒之而諸將乘勝輕敵陷伏中然
皆以死報國亦可稱也是真文吏常談耳烏足徵哉元昊初敗劉平石元孫
亦以是術凡善戰者必以輕兵先合待其衰而以重兵壓之奇正相生固矣
宋以文吏爲大帥畏戰往往匿城堡中而以兵分諸將擇一人官高者主之
使代帥監兵假帥權輕莫能相制以禦大敵其敗固矣自韓琦至張浚皆然

獨賈似道曾蒞舟師而素失衆心見陣動先奔卒以喪國夫師旅係國之安危民之生死果不可以付文儒而司其事者果不可不自決而諉責於人也哉書曰取亂侮亡曹瑋沉鷲淵謀審德明之可討知元昊之必叛戒王巖之預圖爲將不當如是耶真宗不用瑋策而仁宗復用福等人也天乎余是以深歎之也

劉滬字子濬保州保塞人涉書傳沉默有智以廕補三班奉職累遷左侍禁康定中監渭州瓦亭砦及靜邊砦討破羌党留等族斬驍酋獲馬牛橐駝萬計值任福敗城晝閑民畜多爲賊掠滬獨開門納之韓琦范仲淹薦授閣門祇候討破穆寧生氏西南去略南二百里有城曰水洛川土沃饒有渠磴銀

銅諸利羌環數萬帳多收宋逋逃民教之技藝曹瑋圖之不能得滬進城章川收美田數百頃以屯兵說城酋鐸斯那令內附會鄭戩行邊滬遂致鐸斯那族帳以水洛地來歸鄭截令滬將千兵受之氏中悔聚數萬人夜縱火圍滬滬堅臥晨炊急擊破之追至石門獲其衆隸麾下以歸遂敗臨洮羌之援者遷內殿崇班戩以董士廉率三將兵助滬築水洛城會戩罷四路招討使而涇原率尹洙阻罷築且召滬滬不聽趣城工洙使狄青械滬士廉下獄氏衆驚亂宋遣魚周詢查戩往視氏衆詣周詢請以牛羊丁壯助工後以滬權水洛砦功竟成猶以違節制罪貶鎮戎軍西路都巡檢尋復內殿崇班瘍發首卒將東歸葬番漢遮道號泣留葬水洛祀諸城隅立碑頌功經略司言族

衆願得滬子弟治城乃以其弟淳監水洛城兵馬後賜廟額曰忠勇贈忠烈侯祀名宦

苗授字授之潞州人父京慶歷中以抗元昊死授少從胡翼之學補國子生以廢至供備庫副使香子城之役授爲先鋒王韶遣將田瓊爲授瓊死乃簡騎五百屬授授奮擊破羌敗之休士二日羌復要戰注矢如雨授令曰第進毋恐行前者傳呼羌驚亂遂力戰斬首四千餘級又破羌於牛精谷取珂諾賊盡得河湟地三遷西上閣門使知德順軍後克撒宗論功第一每以寡擊衆皆有捷功歷進保康節度卒年六十七贈開府儀同三司諡莊敏祀名宦周永清字肅之家世靈州州陷祖美歸京師永清以廢從仕宰相龐籍言其

忠勇加閣門祇候時押服賜與夏國至宥州夏人受賜不跪永清責以大義
夏人恐始跪及回遷通事舍人渭州鈐轄渭兵勁而陣伍不講永清訓以李
靖兵法帥蔡挺嘉其整練圖上之詔知德順軍夏入寇擊擒其酋呂効忠又
募勇士夜馳百里擣賊巢穴斬首三百級俘數千人獲橐駝甲馬萬計城中
無一知者砦禁地三百里盜耕不可禁永清拓籍數千頃置射士二千人聲
聞敵庭降者引入帳下待之不疑多得其死力徙秦鳳鈐轄河北沿邊安撫
使尋知涇州又爲定州路副都總管終東上閣門使祀名宦
王友巡檢德順軍元豐七年六月夏人寇德順友死之君子王曰友忠臣也
故志不書失掌故矣掇遺芳慰幽魂蓋五百年而後祀祀名宦

游師雄字景叔京兆武功人學於張載進士及第爲儀州司戶參軍遷德順軍判官時鄜延將劉瑄欲自延安人安定黑水雄以地薄賊境必有伏遂由他道旣而謀者言夏伏精騎黑水瑄驚謝曰微君言吾不返矣值歲饑師雄按行邊壘賑貸計口賦糧人無殍亡深溝繕城邊備益固徙知陝州祀名宦金愛申史逸族氏宣宗時擢爲德順節度使正大四年春元帥悉攻德順將避暑焉有進士馬肩龍者字舜卿宛平世族慷慨好義客遊鳳翔愛申奇之請與共守鳳翔帥留焉且曰鳳翔安德順危盍就安肩龍曰吾未識愛申而愛申乃知我士爲知己者死耳留行橐輿族父永訣冒圍入德順軍假肩龍鳳翔總管判官括民兵九千以守元間道晝夜進攻二旬餘力竭城破俱死之

言官表其忠義爲請贈諡合享於褒忠廟祀名宦

舜卿嘗於會州道中有詩云
山腰薄雪眩朝曦未放陽和

入曉痕一片長安新吐月梨花院
落夜黃昏其風致瀟洒又乃爾

任天寵明昌中爲威戎令縣故堡寨無文廟學舍天寵以廢署建有兄弟訟
田者天寵諭以義理委曲周至皆感泣而去祀名宦

明歐陽信字有孚直隸定遠人博學知文元季隱居不仕洪武興由舉人除知
州事承喪亂之餘建署立學創制規模悉皆宏遠爲靜寧重開草昧者信也
歷九年陞任去祀名宦

蓋駿字舉遠山西絳州人景泰五年由鄉舉知州事故志稱其公明廉慎人
心悅服天順初重修州城增築外垣周六里有奇及東西月城鏤板武侯新

書於學宮其爲政得大體如此九載秩滿去祀名宦

祝祥字廷瑞別號鶴臞北直武功中衛籍江西浮梁人饒文學襟懷瀟灑由

舉人歷官廣西道監察御史因言事被謫知山西沁水尋知濟寧會丁丙艱

成化十一年補知州事祥務實政如築外關興水利州中諸所建置至是乃

爲大備二十一年歲大饑出倉糧二十餘萬石賑濟全活甚衆九載報最陞

河南汝甯知府時號三甯太守有匏菴集二十卷祀名宦

嘗自題像贊云如許頭顱這般面貌讀聖

賢書未知闢輿推刑必體人情行事務合天道居憲臺則激濁揚清任州牧則鋤強抑暴所輕者祿位所重者名教疾惡如讎見善則好斥奸邪不避權貴尙名節恥干勢要已有過聞之則喜人有過聞之必告父兄謂予太直師友謂余太傲守廉畏法不矯激以沽名直道事人不循俗以變操與人交則和而不流人有觸則犯而不較不吐剛以茹柔鄙乞燔而媚竈叨祿二十八年未有分毫補報平生性酷耽詩到老不通一竅只好林泉下披裝頂笠與鹿豕同遊却來仕途中奔走逢迎與兒曹鬩鬧噫描下這箇形容留與傍人罵

笑道其人謂誰乃隴干城之舊吏
息肩亭之主人而鶴躍其別號

顏日愉號陽華浙江上虞人由舉人初令葉縣多惠政尋以罪誤詣闕代訴者數百人事白崇正間擢知州事政尙和平尤敬禮膠庠會囉賊反所至焚掠愉出私囊以備糧賞馳請固原鎮河西五道兵使銜杖暗詣賊巢先遣人至水洛陽爲招撫乘其不備設伏齊發截殺無遺四境安者陞開封清軍同知尋知南陽府事流賊變靖難祀名宦

向侃直隸巢縣人由鄉舉宣德中判州事廉能幹濟撫民有方正統元年擢浙江道監察御史祀名宦

國朝葉映榴係陝西學道後死節於湖廣夏賊之亂奉敕祀陝西湖廣兩省名

宦

循卓

宋劉豎滬猶于涇原兵馬都監兼知德順軍第七將上柱國有滬風

景思立普州安岳人以兄思忠廕主渭州治平砦征囉兀韓絳使攝保安軍

夏人寇順寧諸將敗績思立以兵援全軍擢知德順軍

和斌字勝之濮州鄆城人爲德順軍指揮使凡五年數戰夏師被創十餘知

軍劉兼濟以兄平敗沒闔家執送京師斌保持全其家貲平寃卒仲兼濟家

賴以全定川之役將曹英喪馬斌資以騎且援與俱免歷權廣西鈐轄徙涇

原進帶御器械渭部饑帥王廣淵命吏賑給斌曰賑救無方乃殺之耳廣淵

更命斌斌宣養有法所活萬計歷永興軍路召拜龍神衛四廂都指揮至步軍都盧侯卒年八十贈寧州防禦使

金陽天德由進士爲隆德令著風節恬於弊利晚讀大學解及伊洛諸書人嗜愛之常語人曰吾少時精力奪於課試殊不省有此今而後知吾道之傳爲有在也及日昏不能讀書猶使其子講誦朝夕聽之以是自樂有疾親朋視之談咏不衰曰吾晚年幸聞道吾無憾矣

明

知州

靳善字宗元山東鉅野人由舉人成化初除知州事剛果有爲整墜修廢重

系...
築東南北郭城闢門建樓功在後世爲最著云

熊應周字載車榮昌人宏治五年由舉人除知州事蒞政有爲嘗捐俸鑄造文廟祭器以崇大典可謂知政本矣後以憂去服闋補知秦州

劉琬字德儀四川嘉定人嘉靖十年由舉人州事故民勤農敦本修廢舉墜創修東關懋績丕著後陞湖廣襄陽同知及去州人賦詩餞別攀轅不忍舍也

李必敷字達卿四川南充人有孝行嘉靖十五年由鄉舉知州事廉潔自矢奉公守法蒞任日曾撰誓文告於州城之神言言警辣刻石尙石尙存

李時字伯可山西平定人嘉靖十九年由舉人除知州事勇決有爲不搖於

衆其遷學修城尤表表者于玘字潤淵山東東阿人嘉靖二十六年由舉人除知州事性廉介禁惡懲好斷決如流歲己酉大饑設法賑濟四境舉安尋謀本府同知

張世威字懷遠山西榆次人天性朴茂學思實踐由舉人除知州屯以實心行實政嘉惠斯民口誦尸祝焉陞鞏昌府同知

潘汝愈字學師號斗山山西岢嵐人由舉人歷官有廉聲陞知靜寧時邊警一聞卽檄傳四境修理洞堡嚴固守備凡禦賊攻敵器具措辦已齊寇至悉遁夫苗永春字育世直隸霸州人萬歷間由舉人擢知州事捐助倉貯疏通水利士民感德會入覲州人鑄石志愛三十四年陞本府同知

夏日祚字昌年江西德化人由舉人擢知州事茹冰自潔時巡撫喬閱邊或謂曰官箴可否在是宜通以賄笑應口居官一日是君之臣子民之父母何忍乞肉悅人以爲一身先容况行止有命吾不敢違天遂爲喬劾去

州判

譚啓字廷蒙四川人登進士歷官浙江道監察御史骨鯁有節操不避權貴當事者嫉之○○間謫川官事凡政事有關教化風俗皆力行之尋起復大理司評事

馬九鼎字岳立山西永和人性澹穆嗜學處事縝密由選貢歷蓬萊丞四川招討司經歷萬歷二十九年陞判州事潔自治平易得民護州篆二載口碑

載道陞蜀審理

吏目

張思聰字聞德有賢聲護州篆克勤民隱加意興除每朔望告所行於城隍
遇旱步行禱雨牒告民苦遂大雨士民服其誠履籍失考

董祥字呈瑞山西人有贈識佐州時會流寇變凡防禦器具從容措辦及寇
至守城乃與民約曰若見賊毋驚譁卽徧城下隨便以炮石擊之如遠方用
弓矢毋擅離埠搖衆心當是時賊屢至城下聞城中備極嚴遂號口石柱脚
董鐵漢時護州篆乃平涼學博石國璋相與協謀也四載捍衛民皆知方得
以保全及去州人愛戀挽車刻石記績街衢孺子亦磨小碑百餘上鐫勤勞

董公去思宇

駐防

姜永躍字起淵山東臨清人精騎射崇正歲癸酉有寇警固原兵備陸夢龍遣永躍代理中軍事統營兵駐防靜寧甲戌八月廿九日賊大至時關城未守衆擁逼大城永躍諭守堞者無譁伺賊近城援弓射之賊應弦而倒始退去永躍以火炮尾擊賊大潰亂自相踐踏乙亥賊復掠州而過知城中守衛甚嚴更不敢犯當是時賊凡數經城得保全者永躍力也

本朝

知州

劉瑞學玉衡遼東廣寧人應選舉策議合式授汝陽令擢知本州廉直剛果
心迹坦白每以一二言決訟人心折服會地震城堞悉平鳩工調役刻期告
竣亢旱竭虔步禱輒應時大雨寧夏兵發四川家口隨行瑞陰賄統領官設
牛酒糧餉槁賞得法秋毫無事陞懷慶府去

田惟堯字鳧封楊州人由舉人初任金堂縣康熙二十四年陞知州事性慈
祥才敏捷而遇事惟謹其待士也以禮其馭下也以恩蓋七年間盜弭訟息
而羣黎徧德矣嗣隨制府寧夏以軍功題陞平涼知府

董守義字喻之鑲白旗人由陰監康熙三十年補知州事甫下車卽重修廟
學不惜千金創蜡祠造石橋於南河增置倉廩補葺六房建置式廓興廢補

墮捐俸不費併裁革地方過往供應表牋積陋泊安定監油駝之稅四十三
年報陞松江同知未赴任以疾卒民咸感頌建祠奉祀祠宇猶存

黃廷鈺字二如一字澹園奉天人乙酉副榜康熙五十年到任次年癸巳值
歲饑公卽請賑貸稽核戶口毫無遺漏數百里均沾實惠會西士軍興採買
馬羸公平價發買並不累民嗣撫軍檄令養馬預儲軍用公卽攜資遣人馳
塞上購備迨事中止而民方知不擾焉稍暇則創建書院月爲二會而嚴課
之文風丕變旋即有奪幟者每賓興必給資公車必餽饍多士莫不踴躍其
於社稷風雲雷雨各壇皆周築門垣封土爲壇樹木爲主東郊演武廳久頽
廢亦重行創建又築興隴渠並水洛城渠此皆公自行捐俸先後爲之者也

至於纂修州志考正詳明重刊梨棗尤有裨於斯文丙申冬督運噶斯稱貸以行民恐公他擢引領公歸及還署之日百姓歡騰如迎父母丁外艱州人公籲請留不獲將行士民攀皆流涕徒步送百里外不忍別

王奎保定府清苑縣人由進士雍正十年任情性杯直外嚴內慈勤於造士乾隆元年亢旱公率士民祈雨於百里外之神湫省視田禾對民涕泣歸時卽得大雨民感念不忘乾隆二年卒於署

楊國瓚字中黃山西絳州聞喜縣人由進士乾隆三年任請帑修理衙署捐俸重修三將軍祠並東城門樓及境內舊敝牌坊俱煥然一新課士賓興皆有厚贈七年調直隸階州

州判

駱起明字良善浙江諸暨人舉人由雞邱令謫任端靜自持爲姚江之學曰以文章與州土相勉一時出其門者甚衆

陸錦字晉侯浙江會稽人纂修實錄議叙判州事爲人廉靜寬厚安定監之初隸也屬草創頗難治委錦蒞之催科撫字兩得其善王輔臣判時有以大逆謀勦州者錦以百口保之其陰德至今在人曰不忘陸公也後去官家靜甯

學正

朱照乘字大光臨潼縣人由舉人康熙五十五年任情性鯁直不趨權貴擔

當有爲捐粥課士不爽歲月五十七年地震學宮傾圮捐資設法躬督補葺
嗣陞鳳翔府教授

吏目

錢宏字元度江南蘇州府常熟縣人由監生康熙五十五年任情性平和佐
治勤能五十九年歲饑宏適奉檄過西安謁制臺直陳災歉狀並爲民請命
隊得蠲免民頌感之

靜寧州志卷之四終

靜甯州志卷之五

錢塘 王烜蘭坡 修定

選舉志第五 科甲 貢生 監生 吏員 武附

考靜甯科目明時盛於永樂其後則不稱焉

本朝以來自慕氏喬梓踵興而後落落數人或曰風氣使然或曰斯州土瘠民貧甕牖繩樞之子拮据辛苦與誦讀兼營一生之聰明歲月半荒落於衣食之謀又何能專精其業乎夫豪傑之士甯爲風氣所囿貧賤所拘耶抑教養之方端在作興之人耶

科甲

明

劉

興

字世隆阜民坊人永樂戊子科舉人任河南固始縣知縣

王

儉

字約之遵教里人永樂甲午舉人

張

誠

字實夫平安里人永樂丁酉科舉人

徐

貴

字良貴平安里人永樂丁酉科舉人任四川蘆山縣知縣

樊

振

字鳴世遵教里人永樂丁酉科舉人

王

鼎

字調羹通化里人永樂庚子科舉人

孔

賢

字淑人仁和里人永樂癸卯科舉人

張

整

字肅儀通化里人永樂癸卯科舉人

史鑑 字法遠務本里人永樂癸卯科舉人

張亨 字天衢務本里人永樂癸卯科舉人

李昱 字明時義和里人宣德丙午科舉人

譚昇 字運中太安里人正統戊午科舉人任山西吉州知府

文明 詳鄉賢

魏通 字文達甘州衛籍景泰庚午科舉人

陳綱 字文紀固原衛籍景泰庚午科舉人任山西大同府教授

吳珪 字文輝阜民坊人成化癸卯科舉人任山西屯留縣訓導

姚爵 詳鄉賢

朱廷章 字朝聘遵教里人正德庚午科舉人

郭 儉 字允襄仁和里人正德癸酉科經魁

馬應麟 字東魯襄元孫正德癸酉科經魁任山西絳縣知縣性尚骨鯁不與時合急流勇退

張世祥 字允質固原衛籍嘉靖癸卯科舉人任四川慶符縣知縣清慎有聲

馬 相 字希夔應麟姪嘉靖甲子舉人遼東自在州知州陞山東東昌府同知孝友善文修州志

靳 賢 詳遺獻

趙性粹 字子正固原籍萬歷己卯科舉人任四川鹽亭縣令歷官雲南按察司副使廉能不著

王夢卜 字國士治安里人萬歷癸酉科舉人歷任直隸沙河榮陽二縣知縣有政聲

馬三仕 字中齋卿之子相之姪萬歷丁酉科舉人任直隸鉅鹿縣知縣

馬謙亨

字天益相之孫三省子萬歷乙酉科舉人任山東棲電縣知縣

王壇

詳遺獻

方躍龍

字淵化平安里人天啓甲子科舉人負才華爲文·刻名於時

附武科

馬師道

字小鶴應龍子隆慶乙卯解元掌固原武學事

岳耀

通化里人隆慶乙卯舉人

本朝

慕天顏

詳鄉賢

慕國馨

字在玉天顏季子康熙乙卯京闈舉人

慕琛 字嘉玉天顏仲子康熙辛酉京闈舉人壬戌進士初授行人司行人陞禮科給事中起復工科給事中弟國均康熙己卯舉人子震生康熙甲午舉人

江錠 字彛珍渤元孫康熙癸巳萬壽科經元揀選知縣戶部學習詩文清麗

江自岷 字匯百錠長子雍正丙午科舉人候補知縣乾隆十年代理長蘆富國場大使

閻謐 字寧之養民坊人乾隆甲子科舉人

附武科

王悅 字怡思遵教里人康熙甲午舉人隨征有功由侍衛歷任江南池州守備廣東廣州遊擊山西路澤參將陞蒲州府副將

魏之慧 字迴生平涼衛籍雍正己酉科舉人

魏聖統 字綸章之慧姪雍正乙卯科舉人

王球 字席珍從政里人雍正乙卯科舉人

魏聖傳 字嵐章之慧姪乾隆辛酉科舉人

化可善 字體元岷州衛籍乾隆甲子科舉人

貢生

明

張維 字振綱義和里人山西道監察御史

田廣 字德基阜民坊人北直易州同知

馬襄 詳鄉賢

李春 字茂先平安里人山西陽曲縣知縣

岳嵩 字維高通化里人留守前衛經歷

選舉

陳實 字斂華阜民坊人鴻臚寺序班

胡琮 字周器樂士人永平府盧龍縣知縣陞浙
江湖州府通判

郭堅 祥鄉賢

楊英 字育才平安里人四川都司斷事

張雄 字傑夫義和里人四川布政司理閒

王忠 字蓋臣遵教里人山西河曲縣知縣

唐英 字俊士務本里人里人河南固始縣縣丞

何通 字同文勲農里人山西長子縣教諭

胡海 字涵德廣城里人河南嵩縣主簿

李敬 字敦禮太安里人山西太原府照磨

孔昭 字明世仁和里人直隸大河衛知事

周冕 字子冠平安里人直隸長垣縣縣丞

王貫 字忠恕仁和里人直隸涿州吏目

李紀 字干正務本里人河南羅山縣縣丞

張貴 字尊德養民坊人河南寶豐縣縣丞

王政 字康時太安里人湖廣襄陽府典寶

黨鑑 字明遠養民坊人

楊儀 字中禮平涼衛籍書法名一時詩亦清新
格任河南都司斷事才能丕著

惠有禮 字守約廣城里人山西聞喜縣縣丞

平康 字大道阜民坊人直隸和州州判

王琚 字君玉中護衛籍湖廣襄陽府照磨

朱昇 字翊漢遵教里人四川昭化縣知縣

唐鑾 字近臣甘州衛籍河南鈞州判官

張漢霄 字斗虛通化里人四川營縣縣丞

談思明 字冠九太安里人

唐璽 字重器務本里人山西蔚州判官

受祿 字天爵平安里人四川綿州州判

王 澹 字注海平涼衛籍河南祁縣主簿

文 珍 字世瑞廣城里人

岳 岩 字維峻通化里人四川營昌縣主簿

胡 政 字平世平涼衛籍鎮原縣訓導

姚 堦 字延璋阜民坊人爵父河南都司經歷

仇 璉 字商珍固原衛籍雲南布政司理問

何 濟 字興梁阜民坊人直隸武清衛經歷

唐 鉞 字衛臣中護衛籍四川重慶州州判

張 奎 字聚星樂土里人山西稷山縣主簿

畢英 字漢傑中護衛籍四川大竹縣知縣

熊威 字繼望阜民坊人

梅漢林 字衍澤勤農里人山西太平縣訓導

周從善 字德容太安里人

郭循 字遵道堅第六子初任南京兵馬司陞保定府通判

何琛 字寶之山西孟縣縣丞

黨禮 字天秩養民坊人山西襄垣縣縣丞好學能文曾修州志

方惠 字澤民平安里人四川洪縣教諭陞叙州教授

何旦 字元復通化里人直隸靈壽縣知縣

馬鼎 字重朝阜民坊人延長縣教諭

李廷秀 字毓華平安里人河南彰德府照磨

慕容易 字自裕阜民坊人

馬永昌 字時億阜民坊人拔貢直隸完縣主簿有廉聲

石廷珪 字君瑞養民坊人

徐有衡 字持平中護衛籍

胡汝翼 字羽賢平涼衛籍山東濟河縣主簿

張廷佐 字良輔樂土里人潮廣漢陽府通判學識優長

賀壽 字宗仁從政里人四川新都主簿

丁振 字維新中護衛籍山東布政司理問

劉章 字成文仁和里人

王賢 字遵德中護衛籍

李世傑 字朝用勲農里人山西蒲州州判

李玟 字良玉阜民坊人四川射洪縣主簿

岳思忠 字懷義通化里人拔貢直隸遵化縣知縣

方向 字從義惠之姪

李蘭 字德馨阜民坊人

王俸 詳鄉賢

毛淮 字宗源阜民坊人河南清川縣知縣有政聲

馬應麒 字東周應麟兄

賈忠 字原孝阜民坊人雲南蒙化府經歷有清操

馬能 字體道阜民坊人山西岳陽縣令孝友著聞

吳邦教 字君愷阜民坊人直隸趙州州判修河有功

郭毓 字德秀仁和里人山西隰州州判

葛蔓 字延長勲農里人山西沁州州判

楊忠 字允執仁和里人

梅恕 字近仁勲農里人

趙榮 字勉仁阜民坊人山東歷城縣縣丞

仇鯁 字時直廣城里人直隸涿水縣縣丞

王進卿 字義之遵教里人

江岳 字永鎮深之子拔貢四川廣安州州判清慎
慈祥征稅不擾

李鳳 字朝陽中護衛籍河南萊陽縣教諭

王欽 字敬之阜民坊人河南扶溝縣教諭

劉陽 字汝輝平涼衛籍

畢有義 字尙忠中護衛籍

郭偉 字允奇仁和里人四川順慶府經歷

王朝漢

字德輝遵教里人直隸趙州州判

仇鯉

字時躍鯉之兄山西臨汾縣縣丞

王延齡

字應德遵教里人以孝稱嫻吟咏山西介休縣縣丞

張世福

字允吉世祥兄四川雙流縣主簿

靳江

字大容務本里人四川巴縣主簿

方應矩

字蹈之向之子以孝友稱山西崞縣主簿

方應規

字循之向之子善事孀母雲南楚雄縣令

雷動

字德威太安里人山西臨縣知縣

賈恕

字原仁阜民坊人

張儒 字為已廷佐之子

王用善 字尙德阜民坊人山西洪洞縣訓導

景廷美 字時熙通化里人崑陽州吏目

李萃 字聚之務本里人四川仁壽縣主簿

李術 字慎之從政里人

劉從政 字以德平涼衛籍河南閔鄉縣訓導

李廷儒 字士英岷州衛籍定襄縣知縣

馬价 字行副鼎之孫拔貢

高遷 字子喬遵教里人直隸內邱縣訓導以孝友聞

張世正 字允兆世祥弟與兄弟福祥時稱棣萼

郭東里 字子美仁和里人

劉世綸 子理之廣城里人四川巴縣主簿

白卿 字君輔平涼衛籍河南新鄉縣訓導以孝稱

王澤 字子沛中護衛籍

何守憲 字廉夫琛之子山西吉州訓導

朱治 字遵化延賢子寧夏中衛訓導

郭希閔 字汝孝仁和里人扶風縣訓導

郭東啓 字子星仁和里人山西武鄉縣縣丞

選舉

劉世綱 字張之世綸弟

周士 字伯顯從政里人

馬卿 字希皋相之兄三省三仕父

靳希顏 字汝愚務本里人

王道備 字希周樂土里人任山西陽曲縣主簿

江玉泉 字汝憲岳之子拔貢四川灌縣主簿詳革釋門差徭僧衆建福

馬之健 字體乾价之子拔貢河南泌陽縣知縣書法精妙

王大才 詳遺獻

郭永昌 字德順義和里人岷州衛教授有文名

岳忠 字自許平涼衛籍河南府經歷

高選 字于衆遷之弟直隸廣平府訓導

何文炳 字德裕阜民坊人山西萬泉縣教諭

白相 字爰立卿之弟山西靜樂縣教諭

呂之屏 字子藏樂土里人性高曠讀書味道不事聲
華清澗縣教諭

陳文林 字道宗廣城里人

呂之翰 字子衛屏之弟德性學問與兄齊名臨潼縣
訓導

江渤 詳遺獻

馬陟屏 字誕先拔貢永壽縣訓導陞松盤衛教授阜
民坊人

馬三省

字克純卿之子三仕兄扶風縣訓導

王以倫

字循理用善子河南長葛縣訓導

靳續恩

字承寵賢之子歷任伏羌定遠滕縣教諭

文生輝

字道盛明之五世孫廣東大理府開州州判陞山西布政司都事

方來譽

字子吉應矩子河南府教授

王功立

字光先尙賢孫儀賓完子拔貢直隸真定通判

陳篤

詳孝行

馬益健

字効乾阜民坊人歷任鎮安商南教諭

馬民仰

字具瞻阜民坊人歷任蒲城兩當教諭

陳儒林 字正道廣城里人蘭州訓導陞四川長壽縣教諭

馬可選 字千衆應麟子西安府教授

張國正 字端芝江南嘉定縣縣丞

馬益勇 字效震益健弟歷任至大同朔州衛經歷

李尙榮 字景先歷淳化神木教諭嗜學至老不衰

王恩溥 字宏濟河南唐縣主簿州判鐘孫

李復性 字存吾玫之後

朱光煥 字德盛

苗秀實 字大成平涼衛籍醴泉訓導歷會寧教諭鞏昌府教授

楊汝秀

字子榮隴西縣教諭

王恩深

字厚濟拔貢漢中府洵陽縣教諭署縣篆

張繼先

字續業

王光禹

字德遠太安里人

張可寄

字墨繩世祥孫河南彰德府訓導歷永昌衛教授士服其教晚年讀書不倦

王琪

詳遺獻

方孟英

字伯俊來譽子躍龍父浙江溫州府訓導陞狄道縣教諭正直有古人風

靳民

字國本續恩子恩貢閉戶讀書不事干謁歷官山東范縣令政尙平易士民德之

王養心

字修源以綸姪家貧苦學深明經義秦州州判陞承天衛經歷

張廣嗣 字昌後世正曾孫

朱文顯 字明世

郭敦 字崇禮永昌子拔貢廷試第一山海關督糧
通判有清操

仇循雅 字還古鯉曾孫拔貢考授通判

王大心 字宏源養心弟有學行湖廣襄陽府訓導歷
清澗教諭陞楚藩右審理

馬化龍 字禹門阜民坊人

慕容三讓 詳鄉賢

江修跳 字養成阜民坊人德性醇良學問該博

梁棟材 字國英廣城里人精皇極數學得失休咎無
不預知

魏永興 字君昌樂土里人

馬錫侯 字伯康三仕孫拔貢

馬迎貴 字玉堂永昌曾孫

李先香 字蘭馥勲農里人銓隴州訓導以失憑未赴

馬養秀 字儲良阜民坊人子肇昇字旭東廩生為王輔臣幕客輔臣叛從蔡元投誠議叙授通判

馬綏 字毓貞阜民坊人山東長清縣訓導陞渭源縣教諭儀賓純弟

何永嗣 字裔久阜民坊人任臨潼教諭陞漢中府教授

翟溥遠 字春臺樂土里人性恬靜喜讀書後攜子於都門不知所之長子名翰有文名

附柳翹才 字御植號東明莊浪籍世居靜寧崇正九年拔貢任福建甯洋縣知縣順治間海寇犯城斬伐有功擢江南蘇州府清軍水利同知著七才子傳奇世翹才

祖捷芳父承厚並由歲貢官知縣弟英才官縣丞子奎杓官知縣俱由拔貢仲子斗杓季子張杓孫峻生俱歲貢

本朝

李淳 字遵雅長安縣訓導

張振嗣 字裕後世順曾孫

王宗鶴 詳遺獻

張承烈 字文光

裴養忠 字含純阜民坊人拔貢銓通判告降任江西廣信府經歷署永豐縣事護理廣信府同知事歷有治績

陳復新 字省吾歷任華州訓導耀州學正靖遠衛教授

何中賢 字汝楨阜民坊人任直隸新安縣知縣

選舉

蘭州俊華印書館排印

馬奇珍

字連璧綏之姪歷邵陽訓導陞高陵教諭儀賓純子

方祚昌

字泰維義和里人山東臨清州州同

張名士

字鍾英樂土里人歷任鳳翔訓導咸甯教諭陞山丹衛教授

焉奇遜

字志前陟屏子

王仁民

字君澤

張爾經

字理緒平涼衛籍

鮑必化

字震寰拔貢

李宏度

字儼若尙榮子米脂縣訓導

陳瑛

字璧映篤之子安定縣訓導

魏開泰 字文衡阜民坊人

張翊聖 字興儒承烈子

靳諸豫 字凡立民之子 以上俱順治年貢

閻調鼎 字濟海平涼衛籍康熙三年貢

苗美 字天植平涼衛籍康熙四年貢

毛獬 字祥瑞養民坊人康熙十年貢

馬諮尹 字問莘阜民坊人康熙十一年拔貢任扶風教諭

靳文 字國華從政里人康熙十二年貢

慕節 字衷伯天顏叔康熙十三年貢

李文炳

字成章義和里人康熙十七年貢延安膚施縣訓導人服其德

張天授

字帝簡廣嗣孫康熙十八年貢鄂縣訓導風度端疑

李宏基

字綿公阜民坊人康熙二十年貢

王啓昌

字麟趾阜民坊人康熙二十一年貢

陳經

字組五阜民坊人康熙二十三年貢

朱有傑

字元錫阜民坊人康熙二十四年貢素而好學

賈振奇

字公揚阜民坊人乙丑拔貢

岳鼎桂

字攀躋通化里人康熙二十六年貢有幹才

賈麟

字賓石阜民坊人康熙二十七年貢

古良牧 字漢循養民坊人康熙二十九年貢

姚象簡 字敬一義和里人康熙三十年貢藍田縣訓導

李應珮 字天章養民坊人康熙三十二年貢

樊奎光 字射斗遵教里人康熙三十三年貢

王廷尹 字具瞻固原衛籍康熙三十五年貢

古良翰 字漢卿良收弟康熙三十六年恩貢

李元琛 字瑞白阜民坊人康熙三十年貢

張藝 字游之天長子康熙戊寅拔貢工駢體候選教諭

高述唐 字鼎興遵教里人康熙三十八年貢

選舉

孫廷棟

字名卿安定監人康熙三十九年貢

陳聖璽

字君璞安定監人康熙四十一年貢

吳之傑

字俊公阜民坊人康熙四十二年貢興平縣訓導德性和平行孚鄉黨年至九十

江梅

字南英阜民坊人康熙門十二年貢

張天長

守帝久廣嗣孫康熙四十四年貢

魏胄

字蓋伯平涼衛籍康熙四十四年貢

高宗唐

字心祁遵教里人康熙四十五年貢

韓璿

字需琢阜民坊人康熙四十五年貢

李顯

字孔昭文炳子康熙四十七年恩貢

仇爾公 字汝翰循雅孫康熙四十七年貢

張律 字正之天授姪康熙四十七年貢長安縣訓導

張藉 字則之天長姪康熙四十八年貢直隸邠州訓導

李模 字種周先香孫康熙五十年貢

柳伍 字義人仁和里人康熙五十一年貢

靳元公 字相臣希顏孫康熙五十三年貢

方貞 字敬端義和里人康熙五十四貢

張達才 字于上安定監人康熙五十六年貢任甯遠縣訓導延安中部縣訓導

于志鯨 字滄伯阜民坊人康熙五十七年貢

選舉

王錄 字公選遵教里人康熙五十七年貢

馬中騮 字伯顏諮尹長于康熙五十九年貢

陸廷枚 字翰臣州判陸錦孫康熙六十年貢通渭縣訓導

李度蟠 字換若阜民坊人康熙六十年貢南鄭縣訓導

馬中駿 字伯擢諮尹仲子雍正元年拔貢考授州判

馬玉勒 字騰芳乾之孫雍正元年恩貢候選教諭

王愷 字若思遵教里人雍正元年貢

高拱 字默恭遵教里人雍正二年貢伏羌縣訓導

賈維勳 字元臣阜民坊人雍正二年捐貢漢中府學訓導

張懋功 字迪修阜民坊人雍正四年貢

慕國琳 字貢玉阜民坊人雍正四年貢

張度 字繩之律之弟雍正五年貢秦安縣訓導

方新 字繡端義和里人雍正五年貢

王純 字粹菴阜民坊人雍正七年貢

周文 字郁菴阜民坊人雍正七年貢階州訓導

張世亨 字燕及阜民坊人雍正八年貢

蘇衡 字馨晚阜民坊人雍正十年貢

趙宗先 字紹芳阜民坊人雍正十一年貢甯夏中衛縣訓導

蘇葆

字蔚畹，衛之弟。府正十二年拔貢，瓌藍旗習任汧陽縣訓導。

魏之睿

字穎生，平涼衛籍。雍正十二年拔貢，教授縣丞。

岳鍾瀛

字天集，鼎桂子。雍正十三年恩貢，候選訓導。

李振世

字掄範，太安里人。雍正十三年貢。

毛生景

字朴若，阜民坊人。乾隆元年貢。

周弁

字元章，阜民坊人。乾隆三年貢。

趙宗宋

字義喬，安定監人。乾隆四年貢。

趙爲卿

字紹蘭，宗先弟。乾隆五年拔貢，候選教諭。

王忻

字愉思，遵教里人。乾隆六年貢。

于元鯤 字兆鵬志鯨弟乾隆七年貢

馬一熊 字應兆奇珍孫乾隆九年貢

何呈璽 字映琮太安里人乾隆十年貢

何天作 字奇逢平涼衛籍乾隆十年貢

武職

明

郭 遒 堅之子成化四年從總督項忠討石城賊復從都御史余子俊討洮岷叛番有功歷官都指揮僉事

柴希魯 義和里人歷官甘州總兵

柴國柱 希魯子歷官甘州總兵

柴時花國柱子歷官西甯總兵有功賜蟒王遂家西甯

本朝

馬乾字天宗明崇正間以武生任千總駐防本州本朝順治初任守備部司平水洛城寇葺其城叛將高武攻州城亦賴守禦

謝鴻儒安定監人歷任浙閩督標中軍副將

謝雄鴻儒子歷任安慶府潛山營遊擊

陳聖策字龍章由武生効用上海縣千總陞

吳明國本姓蘇任山西大同山陰營都司

監生錄其登仕籍者

明

周方 字平正 留守後衛 經歷

曹昇 字中霄 蒲州吏目

李芳 字若蘭 桃源縣主簿

陳奎 字聚星 本庠生 成化六年北鹵入寇 應募隨征 有功 題賜恩監

仇通 字亨途 濬縣主簿

張翼 字振德 劍州吏目

江深 字淮三 夔州府照磨

王續宗 詳鄉賢

高昇 字凌霄 絳州吏目

選舉

劉 釗 字師周五鄉縣縣丞

鄭 玉 字國璜薊州州判

李 茂 字景盛大足縣主簿

樊 昇 字騰藻新鄉縣主簿

徐 楨 字興國晉府奉祀

周 昇 字日升寧陽縣主簿

楊 鼎 字台輔略城縣縣丞

段景榮 字天錫文安縣主簿

范 忠 字蓋臣清河縣縣丞

姚塘

字天池資縣主簿

許虎

字炳文蔚州吏目

徐有德

字達尊朝臣縣縣丞

平有仁

字德澤東明縣主簿

郭傅

字允卿成都後衛經歷

馬應龍

字東溟應麟弟由楊州衛經歷陞樂至縣知縣

許卿

字朝佐潯州府照磨

馬唯化

字子程歷任山東諸城山西介休縣縣丞

毛鳳儀

字梧岡淮之子四川仁壽縣主簿

選舉

王尙賢

字容之續宗子恩廕入監除河南信陽州判陞滎澤縣令有政聲

本朝

慕近顏

字建極天顏仲弟授翰林院孔目

慕霽顏

字開極天顏季弟任廣東昌化縣知縣

慕鈺

字瑟玉天顏長子貢監任兵部主事轉郎中陞廣東分巡肇高廉羅按察司僉事

慕國璫

字渭玉近顏子興平縣教諭

謝璽

鴻儒次子初任安慶府通判陞大理寺有評

慕國典

字涇川天顏子貢監任廣西平樂府知府調南甯府知府

按舊志凡俊秀未入仕版者悉備載姓氏但念讀書服古之儒固有英年

入泮皓首窮經不得鎖闈一第書名雁塔遂爾淹沒無聞者何可勝道若
以未仕之俊秀鑄之簡編欲垂不朽將何以慰青燈黃卷辛苦寒窗之子
而齎恨夜泉者乎於理不無有礙今止據舊志錄其已仕者知我罪我俱
置之弗論也

吏員

明

張鳳翔

字南山河南息縣典史

翟汝翼

字彭山山東曹縣主簿

于席嚴

字竹峯山西寧鄉縣典史

選舉

張希堯 字四樓山東鉅野縣丞

尤慎言 字靜菴四川嘉定巡檢

王任 字柱宇山東濰縣異史

于養氣 字亭泉直隸漁陽驛丞

岳恩實 直隸萬泉衛倉大使

李植 字培甫底張驛驛丞

高登 字躋攀鳳翔府岐山驛驛丞

張希孔 字臨莊河南嵩縣典史

賈紳 字興吾直隸井陘典史

潘正學 字範字直隸沙河典史

尤登俊 字延字賓山西稷山典史

賈自輝 字繼泉任山東臨巴主簿

本朝

王化普 字還虛浙江杭州府知事以誤招匪人爲僕
普公出害其妻又竊囊而逃遂憤卒

黃志云歲貢之名肇於漢初而選拔一途視唐之拔羣科司馬相如以貴
郎顯郭汾陽由武舉出况鍾以掾吏傳卽二吳由良家子起士苟有才資
格何論所以國家用才誠不可拘於貴格此立賢無方之說也

糸伯書室小示身玉

一三三



